



J. Jofforen Puxtarri zakutoa

Egunotan arrakasta biziari ari da Frantziar filme bat zabaltzen, **Un sac de billes**. Lehenago nobela bat zen, izan horrekin berarekin, eta arrakasta berdinarekin, publikoa irabazi zuena.

Sentimentuak, arineta fresko narraturik, merkatu ona du. Eta filme batetan emana badago, are merkatu hobea. Zenbait sentimentu **Un sac de billes** hortan! Eta zenbait negar gozo isurtzen duen andreak eta ezkatzen duen gizonak, zinemako butakan eserita... Errusiako pogrometatik ihesi heldutako judu bat, bizargilea da Clignancourt langile hiribeian. Baina alemanak sartu dira eta, gure bizargileak, okupatu gabeko bazterretara bidali behar bere zazpi semeak, banaka eta binaka. Eskola lagun batek Joseph mutikoari —gure Autoreari— judu izar horia puxtarri mordo baten truke kanbiatu dio. Eta mutikoa, juduen izar horia gabe, puxtarri mordo batekin zakutoan, han doa, ifernua barrena, bidean edonolako pasadizo ta abenturak ezagutuz, alemanengandik larria salbatzeko. Filme hau zuzen-zuzenean bihotzera doa. Frantzesen bihotzera, hain zuzen.

Baina, nola esaten da? Hasieran berriketa zen. Eta berriketa nobela egin zuen. Eta nobelak egin zuen filmea.

Sevillako bizargilea artista bazen. Parisekoak ez dira gutiago. Aita bizargilearen semea ere bizargile da. Baina kategoriatik gorago. Joseph Joffo, dozena bat bizartegi saloi dotoreren jabea Parisen, literaturan hasi zaigu. Hasi, eta salto batekin gabaino igon. Bizargileak kondu kondari biziak izaten dira, labainarekin darabilten hura geldidageldi egonazteko ere. **Le Figarok** deskubritu digunez, berritsu izatea da bizargilearen bigarren naturalez. Labaina bezain tresna beharrezkoa duela ipuina, behintzat. Joseph Joffok, Edgar Faure ta Madame Chirac eta beste bezero ilustre askori behin ta birritan kontatu ondoren, mundu guztiari kontatu nahi zizkion bere historioak. Eta nobela bat idatzi du.

Ez, zuen, nobela bat idatzi zuen. Orain bi urte. Eta orain, bere ipuinen bezeria haundiago bila, filme bat egin du Doillonekin. Ipuinekin nobela eta nobelarekin filmea: puxtarri zakuto bat.

Papillon-en merkatu-mekanismo bera da. Eta **Papillon**-ez gero, Frantziar puxtarri zakuto hori da salmenta haundieneko nobela. 800 mila ale ta gehiago. Filmea estreinatu zenean bakarrik 50 milako argitalpen berria egin behar izan zen. Arrapaladan denak saldu ere.

Un sac de billes idatzi zuenean, Joseph Joffok esan zuen, lehenengo nobela hauxe zuela bere azkenekoa. Baina bigarrena ere atera berria digu, **Anna et son orchestre**, eta best-seller bidean datorkigu hau ere:

350 mila ale salduta jadanik. Filme berri batetarako ere, zer aproposa! Anna, Jofforen ama, Kosakoen gandik ihesi doa Errusiatik. Odessa, Budapest eta Vienan zehar, Parisera helduko da, bohemia antzera biziari eta bizimodua nolabait atereaz biolin baten laguntzaz, abentura artean, nigar eta musika artean. Glignancourteko bizargilea ezagutu eta ezkondu arte. Ta **happy end**. Bi urtetan bi best-seller.

Gregorio Baldatika

Hautatuak: Chaim Potok eta New Yorkeko juduak

Chaim Potoken nobela denak New Yorkeko judu milieuko ortodoxoan mugitzen dira. Berdin azkenekoa: **Hautatuak**.

Nobela honen haria konfliktu sinple hauxe duzu: hamabost urteko bi mutil judu New Yorken. Ruben, erlijio irakasle baten seme, joera liberalean hezia. Daniel, berriz, bere aita rabinoak ortodoxia gogorrean hezitakoa. Rubenen aitak Talmuda kritikoki irakurtzen du. Danielen aitarentzat Talmudeko puntu ta komarik ttikienak ere sakratuak dira. Semeak gurasoen erara datoz.

Hauxe da istorio guziaz: Rabino seme fanatikoak beste arria begi bat lehertzen dio jolas batetan, eskolan. Ezin elkar ikusi. Rabino semea odolbero bizi da. Ruben, betaurrekodun barnekoi bat. Astiro-astiro biok oso adiskide egiten dira. Rabinoak ez du begi onez ikusten adiskidetasun hori. Ahaleginak egiten ditu biok apartatzeko. Baina alfer-alferrik debeatzen dio semeari, beste liberal gaizto horrekin ibiltzea. Eta, azkenean, kalamitate guztietarako, rabino semeak karrera tekniko bat hautatuko du; eta liberal semea, beti matematikazale agertua, rabinotarako ikasten abiatuko da.

Chaim Potoken interesa sortzen duena, situazio prototipikoak asmatzea da, juduen mundu ttikian. Judu arteko haizoiak berdin baitira kristauonak, komunistenak, liberal eta ortodoxotan banaturiko talde guztienak. Talde guztiak daude gaur horrela ebakita. Chaim Potoketik, batez ere, intolerantziaren problema juduen beren artean sartzeko adorea du. Juduak berak —eta bi mutilon gurasoak— hainbat bider biktimatatzat hartu dituen intolerantzia hori. Horrela intolerantzia gizonaren problema deklaritzen du. Ez honena edo horrena soilik.

Gainera, Chaim Potoketik, herritasun, erlijio, eskola, nahiz ideologiaren arauera asmatzen diren ghetto guztiak salatzen ditu. Eta bere herrian salatzen ditu. Rabino eta erlijio irakaslea elkarren etsai amorratu bihurtzen dituen "burdin gori" bat Israelgo Estatuak da. Erlijio irakasleak Israeleko Estatuak sartzeko ematen du. Rabino ortodoxoari esan ahal ezinezko sakrilegioa iruditzen zaio, Mesiak egin behar duena gizonak egitea: Israel eraberritzea, hategia. Konpondiorik ez da bion artean posible. Beraz, rabinoak deskomekatu egiten du bere herikide liberala.

Deskomekuak ere, situazio prototipiko batetan jartzen gaitu: gure mende hau deskomekatzaile ta deskomekatuz beterik dago ta.

Lazkano Mendizabal

Nobela sinpleak eta euskara

Chaim Potoken eta J. Jofforen nobelek merezi dute komentario bat euskal ikuspegitik. Bi Autore juduok, izan ere, ez dute lumarekin negozio on bat bakarrik egiten. Judegu herriaren zerbitzari habilak ere ba dira. Irakurleak "irabaztea", literatur negozio ona bezain jokabide politiko zuhurra da.

Hau ez dira historiak aipatuko dituen nobelak. Baina bai, euskaldunoi zer pentsa eman behar liguketanak. Egungo gizonak, baxoerdiak edo kafe "behar" duen moduan, kontsumorako irakurgai erraz arina behar du, trenean doanerako, denbora pasa dagoenerako, burua nekatu nahi ez duenerako. Halare, irakurle hori gutitan iristen da libururik irakurtzera. Eta nobelok horixe lortzen dute: promedialgoa baino hogeita berrogei aldiz (liburu) irakurle gehiago sortzea.